

Aitidisiar eikatune lo atwanare odwee lukadekak kede lu ekaditos inyamat

Ekatune lo atwanare edeka ikoku arai kengaleu kotoma adekesia ka nat ailep, enimonia, adekasinei nuitegelikina, kede eimidi (emalaria) nesi ekeikina kotoma akwapsinei nu itidisiarar ejautene lo adumun isirigin kede lu okiding. Ejautene lo idwee lu edekasi atipeatipe kede aitanio

("CHAIN") nesi ekoto aitemokin ejautene lo idarere idwee kede ajenun atiokusio nu iyasete lu atwanare. Aisisia na CHAIN :

- Aiudadikawun idwee lu ilapio iaarei kede akais aarei alu wuni (2-23) lu adekasi apak na eperikinere adekisia akanyaongan kotoma akwapsinei aongon nu Afrika kede akwapsinei aarei nuko ongalakimak na Asia

- Otukunai akiro ngun kere nu ikamunitos aimukeo, aitanio kede aidario na idwee


- Atupakit aidario na idwee kotoma ajaut adekis kede atupakit kotoma olapio ikanyape edaun atwario

Aisasia na CHAIN abu opatanar kane ejaasi idwee kede edarak kec lu oputu ocamutu kotoma aisisia kana, aswamanara kede aiganganar anejaasi itunga lu aibunget kede etimu lo angaleu ko Uganda, kede engaronone lu eswamak anu angaleu kede lu emoete kotoma akwap kere.

ADUMUNUNETA NA AISISIA NA CHAIN – NE EJAASI ITUNGA LU AIBUNGET



Idwee lu edekasi ido osenyitos noi (okaditos inyamat) kes etapit atwakare irwan ikany (5), kotoma adekis karaida etwari kes kitiriani kede lu mam esenyitos.



Akaulo na atwario kadekis, etapit idwee asubit bala angaleutu, konye oroko enonok ido kopatanikite aikatun adekesia acie. Esisiau CHAIN ebe atutubet na idwee kwa lu kes etwakete akaulo na atwario kadekis.



Idwe icie luedekasi kes etapit anyoun kadekis ko mam edolit apak na atwario. Idwee lu mam emuron etwarit ejok kes esisiau CHAIN ebe etapit atwanare irwan aarei (2) adepar lucie.



Idwe lu ekaditos inyamat atiokusio kec mam erai akadit na Inanyamat bon. Akec aitanio, angaleu, kede atiokusio nu atwanare kesi eminasi aigurun anu adekasinei nu Ingadakina akuwon kede ejautene alu edarak nepepe kejautene lo ore.

AIPERIKINO



AICORETA NU EPOLOK



Oyanga idwe ngul lu esenyitos kido komam epoloete ejok amukian tetere itidisiar eikatune lo adekasinei acie kwape nat enimonia kede alepor.

ATWARIO KADEKIS



Kotupak aicoreta nu emuron nu ikamunitos apak na atwario kadekis tetere itsidisiaro etelesit lo atwanare. Edol anyoun kadekis, ingit ber emuron apak na ebongunere awanyanaro na ikoku kede ajenun awanyununeta nu arokok kwape nat:

- Ailuranar (ajotonor)
- Amamus kede eipud lo ainyam
- Ationus na eiyengane
- Ameet ailek




ORE



Akaulo na abongor ore, idwe lu kesi ejaasi otelesit lo aronon, karaida esubitos bala angaleutu kotoma adek. Arai igipa ijo adis awanyunuteta nu eroko kama kes, ipejok emuron katipet kodum amukian.



Iwuriak kede lu edarak lu engaleete kesi itopolounete idwe lu engaleete.



Oyanga arereng na anu ijo aidario kede aidaria angaleu na ekale kon kede lucie kere aimoriarit lu nyaman kede amukian da.

